


کربد لہائی اسلامیه ی محبائی منفقہ مخصوص

سید محمد علی بن محمد بن محمد

نسخہ فوق العادہ سی



معارف نظارت جلیله سنک فی ۲۶ صفر سنہ ۱۳۱۵ و فی ۱۵ تموز سنہ ۱۳۱۳ تاریخ
و ۴۳ نومرو لی رخصتنامہ سی حائزدر

استانبول

(محمود بك) مطبعہ سی — باب عالی ہوارندہ ابوالعزیز جادو سنہ نومرد ۷۲

۱۳۱۵

مسئله ازدواج

ازدواج ، بر
قادین ایله بر ارکک
بر لشمسی معناسی
مفید اولان بولگه ،
حقیقتده ار باب
تدقیقی خیلیدن خیلی
دوشوندیره جک
بر چوق مسائلک ،
مباحثک ، صدر مهمی
تشکیل ایدر .

اوت ! (ازدواج)

بر ارکک ایله بر
قادینک بر لشیور -
مسندن عبارتدر ؛

فقط بر لشمکدن بر لشمکک چوق فرق واردر .

ازدواج واردرکه : عالم انسانیه نجیب ، معلوم
النسب بر محصول تقدیم اید جک یرده بیکس ،
مضر بر مخلوق یتشددیر . جمعیت بشریه خادم
انسانیت بر وجود بکارکن بر سرسری ، نسبسنز ،
اخلاقسنز ، تربیهسنز بر سفیل میدان کلدیکی
کوریر .

فقط ازدواج ، بر لشمکده اولورکه : جمعیات
بشریه نك رکن متینی اولمغه احرا بر عائله تشکیلنه
خدمت ایدر ، او عائله نك ، بلمکده منسوب اولدینی
ملک مدار افتخاری اوله جق اولاد ، ذریات
یتشددیر ؛ او یله بر ازدواجدن متحصل اولاد
واحفاد اومتی و بلمکده جهان انسانیتی احیا ایلر .
شیمدی دوشونم : اوتنه کی سفیلارده بر
ازدواجک ، بر لشمه نك محصولیدر ، بر یکی عالی ،



محمود اسعد افندی

اعظم ده . فقط
ازدواجدن ازدواج
اولان فرق بویکی
نمره یی یکدیگرندن
نه قدر آیریور !
بری جمعیتک ایچینه
جهه سنده بر نور
عصمت لمعان ایدرک
داخل اولیور ، او بری
حامیسنز ، سفیل
بر حالده برنده
زو جین : « اشته بو
بزم نمره ازدواجزدردر ! »
دیه کوکسلرینی کره کره ،
سوینه سوینه نوزادی

عالم انسانیه تقدیم ایدیور ؛ او برنده قادین
بر انسان دکل ، بر ابلیس طوغوریور مشکی مظلم ،
خراب بر گوشه سفالته آغایه آغایه ،
قیورانه قیورانه یاوروسنی چیقاریور ، جمعیه
کورنمکسنزین ایستر ایسته من اورادن ، جکر
پاره سنک یانندن صاوشیور ، بر سفالتخانه
النج ایدیور ... برینی منسوب اولدینی جمعیت
پارلاق بر امید آتی ایله استقبال ایدیور ؛ او برینی
تأسفلرله ممتزج لغتله ، نفرینلر ایله قبوله مجبور
اولیور .

صوگره بویکی درلو ازدواجک آتییی نهیه
منجر اولیور ؟ .. نهیه منجر اوله جق ؟ ! برندن
منتظم عائله تشکیل ایدیور ، او عائله لرك اولاد
واحفاد نجیبیه سی ده ایلریده دهها بر طاقم عائله
وجوده کتیریور ، بویله لکله منتظم بر جمعیت ، مکمل
بر هیئت میدان کلیور ، اخلاق بوزو قلعندن ، سفالتدن

ایده بیلیم می؟ بونک ایچون جمعیت بشریه منتظم برحاله بولمالی که: مطلوب الهی اولان اوانتظام عالمده وجود پذیر اوله بیلسون.

عجبا هیئت اجتماعی بشریه ده کی انتظام، نه صورتله تیسر نمای حصول اولور؟.. تدقیق ایده لم: معلومدرکه: جمعیت بشریه برر کل در. هر کل برطاقم اجزادن ترکب ایلدیکی کبی جمعیت بشریه ده (عائله) دینان جزءلردن تشکیل ایدر. اورته دن عائله لری قالدیر یگز، او حالده جمعیتلرکده فایذیر اولدیغنی کوریرسکیز. دیمک اولیورکه: جمعیت بشریه نك اسالاساسی (عائله) لردر.

امور طبیعییه و بدیهیه دندرکه: بر (کل) ک — دها واضح بر تعبیرله — هر بر هیئت وماده مرکبه نك حالی، آنی تشکیل ایدن اجزائک احوالنه و بینلرنده کی جاذبه وارتباطک درجه سینه تابعدر. اکر اجزاء مرکبه سی فنا بر حالده اولور وارتباط ومناسبتلری پک ضعیف بولنورسه طبیعی اونلرک تشکیل ایلدیکی هیئت مرکبه ای بر حالده وجود پذیر اوله ماز. بالعکس بینلرنده کی مناسبت قوی اولور ایسه اونلرک وجوده کتیردکاری ماده دخی متین اولور.

ایشته هیئت اجتماعی بشریه دخی بعینه بویله در: اکر اونی تشکیل ایدن عائله لر منتظم بر حالده ایسه او هیئت ده منتظم اولور، دکل ایسه اولماز.

بوتدقیقاتندن ده مستبان اولیورکه: جناب حقک اراده بیوردیغنی انتظام عالم، جمعیت بشریه نك منتظم بر حالده بولنمسنه و بوا یسه عائله لرک منتظم بر صورتده تشکیل ایلنمسنه وابسته در.

شیمدی کاهلم عائله لرک منتظم بر صورتده تشکیل ایده بیلیم لرینک نهیه متوقف اولدیغنی تدقیقه:

اثر کورلمکسزین افراد کیتدکجه تکثر ایدیور، بوعائله لر، بوجمیتلر بیودکجه بیویور...

یا اوبر درلو ازدواجدن نهلر تولد ایدیور؟ نهلر تولد ایده جک؟! بر کره زوج ایله زوج اساساً برعائله تشکیل ایده میورلر؛ زوج ازدواجک دها ایلک سینه لرنده رفیقۀ حیاتی ترک ایدیور. عصمتی، عفتی پایمال اولان اوقادین آرتق بشقه برعائله تشکیلندن نومید اوله رق قارننده کی ثمرۀ ازدواجی بر مزبله سفالنه آتوب کیدیور، بو صورتله عائله نك سلسله دوامی دها باشلانمجنده قیریلویوریور. آرتق او جمعیت سونمکه، زوال بولمغه یوز طوتیور، نفوسی آزالور، هیچ بر عائله یه مربوطیتی اولیان برطاقم حشرات تور یور. بونلردن تشکیل ایده بیان هیئنده ایسه تربیه دن، کالاندن اثر کورلمدیکی کبی کیت کیده بقاسی ده بر تهلکه عظمایه دوشیور.

اشته ازدواجدن، برلشمکدن بوقدر بیوک فرقلر، تضادلر میدانه کلیورکه: بونلر درین بر صورتده دوشونلنجه مسئله ازدواجک نه قدر مهم، نه درجه شایان تدقیق اولدیغنی میدانه چیقار.

کتب فقهیه ده مفصلاً بیان اولدیغنی اوزره جناب حق بونظام عالمک وقت مقدره دک بقاسی اراده ایتش؛ بوا یسه نوع انسانک بقاسنه ونوعک بقاسی تناسل وتوالد ایچون ذکور وانانک ازدواجنه منوط بولنمشد.

بوندن آکلاشیلیورکه: نظام عالمی محافظه ایتک ایچون ازدواج بر امر ضروری در. فی الحقیقه نظام عالمی وجوده کتیرن هیئات اجتماعی بشریه در؛ فقط غیر منتظم بر سوری خلقت یر یوزنده یشامسی بو مقصدی حصوله کتیرر، نظام عالمی تأمین

منجلی اولیور ، افراد جمعیت بیننده بر محبت متقابلہ کوریلیور۔ بویله جه انتظام ، عائله مزدن جمعیت بشریہ یہ انتقال ایلور ، انتظام عالم ایسه - بالاده اثبات ایدلیدیکی وجه ایله - انجق بوانتظام جمعیتله حصوله کله بیلور ..

بویلده کی تدقیقات و محاکماتزی دها زیاده توسیع ایدلم ؛ کوریرزکه : جمعیتلرک بقای انتظام ودوامی نصل محبت اوزرینه مستند ایسه عواملک خلق و تکوینی ، حیوانات و نباتاتک تکثری ده هپ میل و محبت اثریدر . « لولاک لما خلقت الافلاک » کلام قدسی بیاننک افاده ایتدیکی وجه ایله کائناتک کتم عدمدن صحرای وجوده کلمی دخی محبت مستنددر ! نباتاتی تدقیق ایدلم ؛ آکلارزکه : بونلرک تکثری بیلہ - حقیقتی بیلدیگمز - بر میل طبیعی اثریدر . اوت ! بونلرک زوجینک حجله کاهی مثابه سنده اولان چیچککارک اوراق ملونه سی ایچنده مختفی بولنان اعضای تذکیرک اعضای تأیث اوزرینه میل ایلملریله حصوله کلیور .

* *

عجاہر ازدواج بوعائله محبتی تولید ایدمه می ؟ مقاله مزک مقدمه سنی دقتلیجه او قومش اولانلر بوسؤاله قولایچه جواب ویره بیلرلر . اوراده ازدواجدن ازدواجه نه قدر بیوک فرق اولدیغنی مفصلاً بیان ایتدک . بعض ازدواجلرک نتیجه سی منتظم ، مسعود بر عائله تشکیله خدمت ایتدیگنی ، بعضلرینک ده بر سفالت مدہشہ یہ مقدمه اوله رق تشکیل عائله امیدلرینی محو ایله دیگنی کوستردک ! ایشته بوراده دخی نه درلو ازدواجک موجب سعادت و محبت اوله رق بر عائله تشکیله یارادیغنی ، ونه کی ازدواجلرک ده اوسعادت مستقله یی محو ایلدیگنی تشریح و ایضاح ایدمه چکز :

معلومدرکه : (عائله) اسمیله یاد ایدیلن و آنا ، بابا اولاد و قدراشدن واقارب سائر مدن متشکل اولان هیئت اول امرده بر (ازدواج) نتیجه سی اوله رق تشکل ایدر .

انجق بویله برعائله نک منتظم بر حالده بولمنی وایلریده - انتظام عالمه وسیله اوله جق - بر هیئت اجتماعی ترتیب ایدمه بیلمسی ایچون افراد عائله آرہ سنده بر ارتباط ، بر محبت بولمنی ، اولادک ابویندن شفقت ، اونلرک ده اولادلرندن بالمقابلہ حرمت و رعایت کورمسی ایجاب ایدر . تاکه ایلریده بونلرذن وجوده کله جک اولان جمعیات بشریہ آرہ سنده دخی بویله جه بر ارتباط ، بر محبت متقابلہ حصوله کله بیاسون و بوارتباط سایه سنده ده یکدیگرلرندن قدراش کی معاونت ، مظاہرت کورہ رک اوسایده بینلرنده بر تناصر و تعاون وجوده کلسونده اوجمیت بویله لکله بر انتظام تام ایچنده پایدار اولسون .

اگر عائله ده بویله بر امتزاج و محبت موجود اولمازسه اولاد باباسنی ، قاری قوجه سنی ، بابالری ده بونلرک برینی ظانیاز و بونلر یکدیگرلرینه بر ارتباط و محبت ایله مر بوط بولماز ایسه او حالده عائله بوزولور ، منتظم بر هیئت وجوده کله می .

دیمک اولی سورکه عائله لرک صورت منتظمه ده تشکل ودوامی میل و محبتہ مستنددر ؛ یعنی اولاً حب زوجیت حصوله کلیور ، مرور ایام ایله بو محبتدن والدیت محبتی تولد ایدیورده بوسایده منتظم بر عائله میدانہ کلیور .

صوگرہ بو محبت تشعب ایدیور ، کیتدیگجه قرابت و عشیرت محبتلرینی تولید ایدیور . ایشته بو وجه ایله خصوصدن عمومہ ، جزءدن کله انتقال طریقہ له « بنی آدم اعضای یکدیگرند » حکمتی

زوجینک کندی محبتلری ملاحظه سیله دکل بلکه
عائله محبتی مطالعه سنک ده التحاقیله حصول بولمق
شرطدر .

*

* *

عجیا ازدواجک بویله عائله محبتی فکریله وقوعه
کلدیکنی تأمین ایدن شی نه در ؟
ایشته بومسئله مهمه نك الك روحلی نقطه سی ده
بودر . تدقیقات آتیه کوستره جکدرکه : ازدواجک
بو فکر ، بوامل ایله اجرا ایدلدیکنی تأمین ایدن
شی (نکاح) دن عبارتدر !

معلومدرکه انسانلر هواوهوسلرینه مغلوبدرلر .
هرکس کندی کیفیه ، کندی هواسنه براقیله جق
اولسهیدی ر یوزنده معالیدن زیاده مفاسد کوریلور ،
هوا ی نفسانی - هیچ شبهه یوق که - میل معالی یه
غایه ایدر ، انسانلر آره سنده مدیتدن ، کمالاندن
زیاده وحشت ، جهالت حکم سورردی . حتی بو
حقیقت محضیه بناء درکه انسانلری بر صورت
منتظمه ده اداره ایتک ایچون هر قومده بر چوق
قانونلر ترتیبی ایجاب ایتشددر . ایشته (قانون منا -
کحات) ده بردستورددرکه : نظام عالمک اساسنی تشکیل
ایدن عائله لرك منتظم بر صورتده تأسیسی ، ازدواجک
یالکیز تسکین هوا ایچون دکل بلکه تشکیل عائله
ایچون مشروع بر صورتده عقدینی تأمین ایدر .

عقد ازدواجده نکاح کی بر واسطه امینه
بولونماسهیدی عجیا جمعیت بشریه نك الحالی نه
اولوردی ؟ هیچ شبهه یوق : فطره مغلوب هوا
اولان انسانلر ایسته دکاری کی ازدواج ایدرلر ،
تسکین هوسات ایلده کدن صکرم افتراق ایلرلرایدی .
بو صورتده ایسه نه منتظم عائله لر وجوده کلیر ، نه
بو جمعیت بشریه تشکل ایدر ونه ده مطلوب الهی
اولان نظام عالمدن اثر کوریلوردی .

بر ازدواج ، برلشمک وارددرکه : ارکک ایله
قادینک یالکیز بری برلرینی سومدرلی ، یالکیز
یکدیگرینی دوشونمدرلی نتیجه سی اوله رق وقوعه
کلیر ؛ هر ایکسیننده ده ایلریده برعائله تشکیل ایلیمک ،
اوعائله نك محبتدن مستفید اولمق حسیاتی بولماز .
آرتق بویله بر ازدواجک نتیجه سندن جمعیت بشریه
ایچون بر فائده بکلنه مز . بونلر بوفکر ، بو محبت
ایله ازدواج ایدرلر . نتیجه سی نه اولور ؟ یا اوایلک
محبتلر کیده کیده فناپذیر اوله رق قادین عصمتی
پایمال اولدینی حالده برکرداب سفالته دوشور ، یاخود
اومحبت - اندر اوله رق - میداننه برثمره ازدواج
کلنجهیه قدر دوام ایدر ؛ فقط طرفینک اولی
بوچوجق اولمادیغندن بوکا قارشی بر محبت دکل
بر نفرت حس ایدیلیر ، اک نهایت بوازدواج برعائله
تشکیلنه خدمت ایتمکسزین ایکی وجودک بر عالم
سفالته کیرمه سی ، برامید عائله نك سونمه سی ایله ختام
بولور .

بر ازدواج ده وارددرکه : بونده ارکک وقادینک
مطمح نظری یالکیز بینلرنده کی محبت حاضرمدکل
بلکه آتیا حصوله کله جک اولان محبت اولاد
وعائله در . بونلرک ازدواجندن میداننه برثمره حیات
کلیرسه عائله نك - اوتنکی کی - نفرتی واک نهایت
انحلالنی موجب اولماز ، بالعکس عائله نك ارتباطنی
تأیید ایلر ؛ چونکه بونلرک ازدواجدن مقصد
اقصالر کندیلرینک تسکین هوساتندن زیاده تشکیل
عائله جهته مصروف ایدی ؛ بو حالده کیتدکجه
اوعائله نك افرادی چوغالیر ، فیضی آرتار ؛ بوصورتله
جمعیت بشریه یکی بر جزء التحاق ایلر .

دیمک که : ازدواج مقبول وممدوح اوله بیلیمک
ایچون یالکیز تسکین هوا ی نفسانی ایچون دکل ،
بلکه عائله فکرینک ده انضمامیله اولمق و یالکیز

کبی بعض افکار ضاله اصحابی نکاحک درجه اهمیتنی
تقدیر ایدمهیه رک نسوانی اشیاى عادیه درک سینه
تزیل واونلردهده اشتراک لزومنی ادعا ایتمشلر
ایسهده بونلرک مدعیانی عقول سلیمه اصحابی
طرفندن شدتله رد و تقبیح اولنمشدر .

حتی آمریقاده تعدد ازواج (بر قادینک متعدد
قوجهلری اولمسی) و تعدد زوجات (بر ارککک
متعدد قاریلر آلمسی) خصوصنه معاً قائل اولان
(مورمونلر) دخی «تعدد ازواج» نامی آلتنده اشتراک
نسوانی ترویج ایتک ایسته مشلر ایسهده حکومت
محایه اونلری دفع و تنکیل ایلمشدر .

حاصلی ؛ جمعیتک تکثر و دوامی نکاح مشروعه
متوقفدر . غیر مشروع اجتماعلردن حصوله کلن
بیچاره لرک چوغنی ده اذوق حیات ایله متلذذ اولمق سزین
سوء قصده اوغرارلر . ابونلرک سوء قصدندن
بقای قورتاره بیلنلر ایسه حمایه سزلک ، عائله سزلک
نتیجه سی اوله رق آلام و شدائد کونیه آره سنده
محو اولوب کیدرلر .

بر کره نکاح مشروعی قالدیریگز ؛ اورناده
نه عائله ، نه نسبت قایلر . عائله لردن متشکل جمعیتلرده
خلل پذیر اولور . حال بوکه جمعیتلرک بو حال اوزره
الی ماشاء الله دوامی مطلوب آلهی اولدیغندن اونلرک
محافظه سی و نکاح مشروعه ک حمایه سی لزومی
تحقق ایدر .

بیلیم مسئله ازدواجک واندن تفرع ایدن
نکاحک درجه اهمیتنی ایچه شرح و ایضاح
ایدیله بیلدیمی ؟

خزینة دایله حقوق مشاوری

محمد

ایشته (قانون مناحات) بو نتایج مضره نک
اوکئی آلیور : هر کسی ایسته دیکی کبی ازدواجدن
اخلال انتظام عائلیه ، تدنی نفوسه ، اجرای
خشیاته وسیله اولمقدن منع ایدیور . یالکز تسکین
هوسات ایچون دکل ، بلکه جمعیت بشریه نک تشککنه ،
حالمک انتظامنه وسیله اولمق ایچون ازدواجی مشروع
قیلیور . حقیقه بوفکری بسله یلر کلوب بوقانون
حکمنه اطاعتله عقد ازدواج ایدیور . یالکز
هوسات نفسانیه سی ایچون ازدواج ایتمش اولانلر
ارباب فحشیدن عد اولونیور . ایشته بو سایهده
عائله لر بیننده برارتباط ، بر انتظام حصوله کلیور ؛
بونلردن متشکل اولان جمعیتلرده منتظم بر حاله
بولنیور . بو سایهده جمعیت بشر اعضای یکدیگر
اولیور ، نکاح کبی بر قانونک نظر مسامحه ایله
باقلیدی یلرده افراد جمعیت آره سنده بر عدم
ارتباط حکم سورییور ، عائله سزلیکدن نفوس
آزالیور ، فساد اخلاق ، سفالت چوغالیور .

فرضا بوکون فرانسهده ازدواجک قانون
اولمسنه اهمیت ویرلمدیکننددرکه : کیتدکجه غیر
مشروع ازدواجلردن متولد بیچاره لرک عددی تزايد
ایدیور ، حال بوکه کیتدکجه عائله لر بوزولیور ،
نفوس تناقص ایدیور .

ایشته نکاحک تکثیر نفوسه اولان بو خدمتی
سببیله درکه فخر الرسل افندمن حضرتلری «تناکوا
تناسلوا» و «تناکوا» امر شریفلریله امتی صورت
مشروعهده ازدواجه ترغیب و تشویق بیورمشلردر .
بوندن بشقه فقهای عظام حضراتی طرفندن
وبالجمله اقوامک واضع قانونلری جانبدارن نکاحه
اهمیت مخصوصه ویرلمش و بونک ایچون کتابلر
تدوین اولنمشدر .

تاریخ عتیقهده مزدکیلر ، تاریخ جدیدده اشتراکیلر